

Broj: 05-05-27/19
Goražde, 21.01.2019. godine

Na osnovu člana 28. Zakona o notarima («Sl.novine F BiH», br.45/02) i Uredbe o određivanju broja potrebnih notara za područje Bosansko – podrinjskog kantona Goražde i njihovog službenog sjedišta («Službene novine Bosansko – podrinjskog kantona Goražde», br.5/03 i 11/07), Ministarstvo za pravosuđe, upravu i radne odnose Bosansko – podrinjskog kantona Goražde, **o b j a v l j u j e**:

JAVNI KONKURS ZA IZBOR NOTARA

1. Za područje Bosansko – podrinjskog kantona Goražde (Općina Goražde, Općina Foča – Ustikolina i Općina Pale- Prača) sa službenim sjedištem u Goraždu.....1 notar

USLOVI: *Za notara može biti imenovano samo lica koje kumulativno ispunjava slijedeće opće i posebne uslove:*

- 1. Da je državljanin Bosne i Hercegovine;*
- 2. Da ima poslovnu sposobnost i ispunjava opće zdravstvene uslove kao službenik organa uprave;*
- 3. Da je diplomirao na Pravnom fakultetu u Bosni i Hercegovini ili prije 06.04.1992.godine na Pravnom fakultetu u bivšoj Jugoslaviji. Ukoliko je diploma stečena na Pravnom fakultetu u nekoj drugoj državi, ovaj uslov se stiče nakon nostrifikacije diplome od nadležnog organa;*
- 4. Da je položio Pravosudni ispit u Bosni i Hercegovini ili prije 06.04.1992.godine u bivšoj Jugoslaviji. Ukoliko je Pravosudni ispit položen u nekoj drugoj državi, ovaj uslov se stiče nakon priznavanja tog ispita od strane Federalnog ministarstva;*
- 5. Da se protiv lica ne vodi krivični postupak, odnosno da nije osuđivano na kaznu zatvora za krivična djela protiv čovječnosti i međunarodnog prava, protiv službene i druge dužnosti ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ;*
- 6. Da se na njega ne odnosi član 9. tačka 1. Ustava BiH;*
- 7. Da nije član neke političke partije niti obavlja poslove u organima stranke, političkim udruženjima ili fondacijama niti bilo kakvu političku ili stranačku aktivnost;*
- 8. Da nije otpušten iz državne službe kao rezultat disciplinske mjere na bilo kojem nivou Bosne i Hercegovine na period od 3 godine od dana objavljivanja Konkursa;*
- 9. Da ima položen notarski ispit.*

Za notara se mogu izabrati samo takvi kandidati koji su po svojim radnim i ljudskim kvalitetima dostojni ugleda notarske službe.

Kod izbora između više kandidata koji ispunjavaju uslove Konkursa odlučujući kriterij je uspjeh postignut na Notarskom ispitu.

Uz prijavu kandidati su obavezni priložiti slijedeće:

- *kraću biografiju sa adresom i kontakt telefonom,*

- *Uvjerenje o državljanstvu, ne starije od 6 mjeseci,*
- *Uvjerenje o poslovnoj sposobnosti i ispunjavanju općih zdravstvenih uslova kao službenik organa uprave,*
- *Dokaz o stručnoj spremi, položenom Pravosudnom i Notarskom ispitu, te radnom iskustvu,*
- *Uvjerenje da nije kažnjavan na kaznu zatvora protiv čovječnosti i međunarodnog prava, protiv službene ili druge dužnosti ili za drugo krivično djelo, izvršeno s umišljajem,*
- *Uvjerenje da se protiv lica ne vodi krivični postupak*
- *Uvjerenje kandidata da u posljednje tri godine od dana objavljivanja Javnog konkursa nije otpušten iz organa državne službe, kao rezultat disciplinske mjere na bilo kojem nivou vlasti u Federaciji – odnosno BiH*
- *ovjerena izjava kandidata iz tačke 7. i 8. uslova.*

Rok za podnošenje prijave Javnog konkursa je 30 dana od dana posljednjeg objavljivanja Javnog konkursa.

Rok obavještanja kandidata o rezultatima Javnog konkursa je 8 dana od dana izbora notara.

Ovaj Javni konkurs objavit će se u dnevnom listu «Dnevni avaz» Sarajevo, «Službenim novinama Federacije BiH» i «Službenim novinama BPK-a Goražde».

Kovertirane prijave sa naznakom «Javni konkurs za izbor notara – NE OTVARAJ» podnose se lično ili šalju preporučeno na adresu:

Bosansko – podrinjski kantona Goražde
Ministarstvo za pravosuđe, upravu i radne odnose
Komisija za izbor notara
Ul. Prve Slavne Višegradske brigade 2a.
73000 Goražde

Neblagovremene i nepotpune prijave neće se razmatrati.

PO OVLAŠTENJU PREMIJERA

Emina Bašić